



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Landati Principis officium.

[urn:nbn:de:hbz:466:1-68709](#)

Quin lanient mundum. Tanta est discordia fratum.

Obsistit tamen illis Hippotades, & imperio continet ac compescit, non minis tantum ostentatis, & objectis postibus: sed verbis etiam placidioribus, & ad mitigandum aptis. Hinc Maro. r. Aeneid.

----- mollitque animos, & temperat iras.

Idem de eodem canit: quod

Et premere, & laxas sciret dare jussus habenas.

Ethica.

I. (a) Hac habenarum adductione & remissione quid aliud demonstratur, quam laudati Principis officium; nempe ut in populos subjectos imperium neque durè nimis & inclementer, neque dissolutè & negligenter exerceat. Bonus Princeps, inquit Seneca lib. i. c. 18. de clement. Similis est patri, & ideo pater patriæ appellatur: patris autem est in severitate meminisse indulgentiæ, & in indulgentia disciplinæ. Neque enim minus Princi turpia sunt multa supplicia, quam medico multa funera. Sed hac de re nos alibi non uno in loco.

II. (b) Æolo similis est quilibet vir sapiens, qui novit moderari affectibus pro opportunitate, & negotiorum præsentium: nunc enim conductit simulare iram, nunc dissimulare; sicut Æolus ventos retinet & emittit, ut libuerit. Quid autem est præclarus & laude dignius, quam sic in potestate habere permotiones animi, præsertim appetitionis irascentis, ut ad rationis legem & moderamen, velut in antro claudantur, rursusque, si necesse sit, temperato freno laxentur? Quisquis ita sibi imperare didicit, næ ego hunc potentiores Æolo dixerim,

----- Cui Divum pater, atque hominum Rex

Et mulcere dedit fluctus, & tollere vento.

Appositè huc Tullius. i. Offic. Objurgationes etiam nonnunquam incident necessariæ, in quibus utendum est fortasse & vocis contentio ne majore, & verborum gravitate acriore. Id tamen sic agendum est, ut ne ea facere videamur irati. Ad hanc rem etiam Salomon Prov. 16. Spiritum ad irascendum facilem quis poterit sustinere? Quasi diceret: Quis tanto robore & fortitudine præditus est, ut ventosum iracundia spiritum sub freno cohibere possit, ne subito erumpat, & obvia quæque turbine perflet? Ducta similitudo à ventis: scimus autem, iratos naribus

(a) Laudati Principis officium. (b) Vir sapiens, & affectuum suorum dominus.